



Comunu de Quartu Sant'Aleni

Citadi Metropolitana de Casteddu

S'Ufitziu de sa lùngua sarda traballat po is prus piticus: materiali didàticu e sinnialìburus pentzaus po pipius e piciocheddus.



S'Ufitziu de lùngua sarda ocannu, in su Comunu de Quartu Sant'Aleni, at abertu in su mesi de martzu e at publicizau s'abertura cun locandinas, in is pàginas facebook prus connotas e imperadas de sa bidda e puru intregghendi curreus eletrònicus in deretura a scolas e assòtzius e cun unu oràriu chi permitessit, a sa genti de sa bidda, chi teniat bisòngiu de imperai su servìtziu, de tenni totu is oras a disponimentu.

Ma in custus mesis de traballu, martzu, abrili, maju e làmpadas, s'Ufitziu de sa lùngua sarda de su Comunu de Quartu Sant'Aleni at pentzau a is prus piticus puru, ponendi impari unas cantu de atividades chi podessint ingregghiai is pipius e is piciocheddus.



Comunu de Quartu Sant'Aleni

Citadi Metropolitana de Casteddu

Sa punna est sèmpiri cussa de fai connosci e imparai, prus che totu a is prus giòvunus, su sardu sena chi ddis setzat a grai. Pro custu, intra is àteras atividadis, s'Ufitziu de lingua sarda at postu impari unu pagheddu de materiali chi potzat essi imperau in su stùdiu e po su stùdiu e chi fatzat connosci sa lingua sarda partendi de sa cultura e de sa traditzioni. In is alliòngius innoi asuta eis a agatai unus cantu de sinnialìburus chi afigurant is animalis, cun is nòminis in sardu e unu mutetu dedicau, po imparai cantendi. In prus cartas lestras po giogai cun is emotzionis e is birduras chi si papant ònnia diri.

Progetu "Sa lingua in Quartu 2" finantziau cunforma a sa L. 482/1999 e sa L.R. 22/2018

de sa R.A.S.-Regione Autònoma de Sardigna, bòfiu de su Comunu de Quartu Sant'Aleni cun s'agiudu de s'Assòtziu Sa bèrtula antiga